

Udruženje "Obrazovanje gradi BiH" Stipendije za učenike i studente Rome

U okviru projekta "S obrazovanjem u budućnost", jučer je 119 učenika i studenata romske nacionalne manjine dobilo stipendije za školsku 2015/2016. godinu. Ovaj projekt već tradicionalno 11. godinu zaredom provodi Udruženje "Obrazovanje gradi BiH", a stipendija iznosi 100 KM mjesečno.

Mehmed Agić, koordinator ovog projekta, kazao je za naš list da je ovo značajan događaj za društvo u BiH te prilika mladim Romima da kroz obrazovanje steknu kvalifikacije i budu aktivni na tržištu radne snage.

- Dobitnici stipendija dolaze iz 29 gradova iz cijele BiH. Od toga će 104 stipen-



Novčanu pomoć dobili stipendisti iz 29 gradova

dije dobiti srednjoškolci, a 15 studenti. Školovanje romske djece preko Udruženja najviše finansira Fond otvorenog društva BiH, jedna francuska organizacija i još šest donatora – rekao je Agić. **E.D.**

15.11.2015